

JAMHURI YA MUUNGANO WA TANZANIA
OFISI YA RAIS
TAWALA ZA MIKOZA NA SERIKALI ZA MITAA

HALMASHAURI YA MANISPAA KIGOMA/UJJI

Simu Na. 028 2802535
Fax Na. 028 2802535
Email:municipal@kigomaujijimc.go.tz



Ofisi ya Mkurugenzi wa Manispaa
Halmashauri ya Manispaa,
S.L.P 44,
KIGOMA.

Tarehe: 05 June, 2021.

TAARIFA KWA UMMA

YAH:KUELEKEA MAADHIMISHO YA SIKU YA MAZINGIRA DUNIANI JUNE 5,2021

Kaimu Mkurugenzi wa Manispaa ya Kigoma/Ujiji Ndugu. Frednand Filimbi anapenda kuwajulisha Wananchi na wakazi wote wa Manispaa hiyo maadhimisho ya siku ya Mazingira Duniani ambayo hufanyika kila mwaka June 5, na Mwaka huu Maadhimisho Kimko yaatafanyika Manispaa ya Kigoma/Ujiji katika Uwanja wa Shule ya Sekondari Mwananchi na mgeni Rasmi anatarajia kuwa Mkuu wa Mkoa wa Kigoma CP. Thobias Adengenye

Kuelekea siku hiyo Ofisi ya Mkurugenzi wa Manispaa ya Kigoma/Ujiji inahamasisha Wataalamu wa Afya na Mazingira kwa kushirikiana na Wadau mbalimbali ikiwemo Vyombo vya Habari kutoa elimu kwa Wananchi kuhusu umuhimu na Utunzaji wa Mazingira

Kuelekea kilele cha Maadhimisho hayo, Manispaa ya Kigoma/Ujiji imeweza kuhamasisha Wananchi wake kufanya usafi katika maeneo ya kazi na makazi katika kuhakikisha maeneo hayo yanakuwa safi na salama na ofisi ya Mkurugenzi ikiwa na jukumu la kukusanya taka kupitia vikosi kazi vya usafi vilivypo katika mitaa na kuzipeleka dampo la kisasa la Msimba

Kwa Mjibu wa Sensa ya Watu na Makazi ya Mwaka 2012 Manispaa ya Kigoma/Ujiji ilikuwa Watu 250,000 na idadi hiyo imekuwa ikiongezeka kila Mwaka ambapo kwa sasa jumla ya Tani 0.5 za taka huzalishwa na Mtu mmoja kwa siku, na tani 183 huzalishwa kwa siku, sawa na Tani 5,490 kwa mwezi

Kwa kipindi cha Miaka Mitano (2017-2021) Manispaa ya Kigoma/Ujiji ikishirikiana na wakala wa Huduma za Misitu (TFS) imekuwa ikihamasisha wananchi kupanda miti mbalimbali na jumla ya Miche 46,392 ikiwemo zaidi ya miche 11,000 ya zao la kimkakati la Michikichi ya kisasa imepandwa katika Taasisi za Serikali na zisizo za Serikali

Manispaa ya Kigoma/Ujiji ina vyanzo vya maji ambavyo inavilinda na kuvitunza, vyanzo hivyo ni ziwa Tanganyika, Chemichemi (za Rutale, Msulula, na Nyakageni) na Mabwaya ya Katosho, Kangona, Burega na Kikamba na Ofisi ya Mkurugenzi imeweza kuzijengea chemichemi za Nyakageni na Rutale kwa ajili ya kuchota maji na baadhi ya vijana wamejajiri kwa kazi hiyo


Ofisi ya Mkurugenzi inawataka wananchi kuendelea kuvilinda na kuvitunza vyanzo na kutochafuliwa kutokana na shughuli za binadamu kufua na kulima karibu na vyanzo hivyo

Katika kuadhimisha siku ya Mazingira duniani June 5, 2021 Manispaa ya Kigoma/Ujiji imepanga:-

1. kupanda Miche ya zao la michikichi ya Kisasa zaidi ya 1000 katika Shule za Msingi na Sekondari
2. kila siku ya Alhamisi na Jumamosi ya mwisho wa Mwezi kuanzia saa 1:00-4:00 Asubuhi ni siku ya kufanya usafi wa kina kwa wananchi wote kufanya usafi katika maeneo yao

Aidha Ofisi ya Mkurugenzi itaendelea kushirikiana na wadau ndani ya Manispaa kuendelea kuelimisha wananchi na jamii kutunza mazingira hasa kwa wananchi kuendelea kupanda Michikichi ya kisasa na kuipanda katika maeneo yao kwa kutunza mazingira

Kauli mbiu ya mwaka huu 2021 ni "Tumia nishati mbadala kuongeza ikolojia"



Frednand S. Filimbi

KAIMU MKURUGENZI WA MANISPAA

KIGOMA/UJIZI